

هبة حسن

أنحدك

أشعار بالعامية المصرية

الطبعة الأولى ٢٠١٧

بطاقة الكتاب

عنوان المؤلف : أتحداك
المؤلف : هبة حسن
التصنيف : أشعار بالعامية المصرية
رقم الإيداع : 2017-26169
عدد الصفحات : 100 صفحة
رقم الإصدار الداخلى : 93
تاريخ الإصدار الداخلى : 2017 / 12 طبعة أولى
تصميم الغلاف والتنسيق : الشاعرة منى الغريب

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



إهداء

إلى أمي الحبيبة

إلى زوجي الحبيب

الذي وقف بجانبني وشجعني ، ولولاه ما أبدعت

وما عرفت حروفي طريقها للنور

إلى أولادي كريم وسعاد وضحي

إلى أخواتي الغاليين علي قلبي

هبة حسن

عضو رابطة الزجالين وكتاب الأغاني
عضو نادي أدب القلب

إهداء خاص

إلى أستاذتي الغالية
التي علمتني كيف يكون الشعر
والتي أدين بفضلها أمام الله عز وجل
الشاعرة الكبيرة

أ / منى الغريب

&

إهداء

الى اخي الخلق
الذى وقف بجوارى حتى ظهرت
كلماتى إلى النور
الشاعر المحترم

أ / خالد عبد السلام

هتصدقني

هاتصدقني لما اقولك

إن ف بعدك

طعم الدنيا .. عذاب ومرار

قلبي ماعدش

يחס بنبضه

ولا دقاته ليل ونهار

وان حقيقى

كل مشاعرى

كنت بعيشها

ف حزن هواك

وان النظرة

ف عينك جنة
وانت الشمس لكل حياتي
وانت الحلم
اللي انا عايزاه
وانت الأمل
اللى احيا عشانه
قولى ازاي
هقدر أنساه؟؟

....

أيوه بسكت

أيوه بسكت غصب عنى

مش لإنه ضعف منى

لا.. لإنى بخاف عليك

إتساهلت كتير فى حقى

مش لأنه ضعف منى

لا.. ده حب لنور عينيك

كنت فاكّر لما بسكت

إنى بضعف حب لىك

كنت باتمنى الحقيقة

يوم تبان أدام عينيك

بس فجأة لقيتنى بسكت

وانسى كل حاجة ليك

ضعت منك ويا عندك

والنهاية بين إيديك..

.....

تاھت خطاونا

ضاعت خلاص أحلامنا

وتاھت خطاونا

هو احنا ليه بقى حالنا

بنجرح فى أهالينا

يبات الحزن فى قلوبنا

ومالينا

دي حتى الدمعة فى عينينا

بتألمنا وتكوينا

من ظلم ناس حوالينا

حاولوا يجرحوا فينا

بس الأمل موجود

وموجودة أمانينا
ماتيجوا نعيش
بخيالنا لأيامنا
ولو تاه الأمل فينا
ولو تاهت خطاويننا
مسير الحلم يتحقق
ويتجدد أمل فينا

....

حاسدني

وحاسدني

على الفرحة

على اللمة.. على العيلة

على الضحكة اللي مش باينة

دي حزن ولا .. دي حيرة

على عمري

اللي ضاع ببلاش

على سنيني

اللي معرفهاش

كانت فرحة

كانت جارحة

كانت مرة
بعذاب وآهات
كانت دهشة
على اللي فات
ومن عمري
تعدى ساعات
ما بين دمة وتنهيدة
وبارسم ضحكة
فى ملامحي
ومن جرحي ..
باداري عذاب
واداري جروح من الأحباب
ومش ذنبي ... أكون عايش
ما بين أغراب

بنت واحدة

انا بنت واحدة

على اربع ولاد

انا شمعة طارحة

ف وسطهم

انا بنت حلوة بحبهم

انا الجمال ..

انا الدلع بعشقهم

انا الحنان

هما الأمان .. هما السند

عمري وضهرى

الى انفرد

من زمان وانا ضحكة
صافية ف وسطهم
هما ولادى وانا امهم ..
غاليين عليا
مع إنهم
بيكبرونى بعمرهم
مهما كتبت ف حبهم
مش هقدر اوصف
طهرهم

....

أتحداك

أتحداك

لو يوم تنساني

يالى عيونك

كده ظلمانى

شايف فيا شك وحيرة

لا يا عنية...

دي نارالغيرة

أصل ف حبك

قلبي احتار

راجع نفسك..

خد لي قرار

أبعد وأنسى
واعيش في مرار
ولا استنى كده وإنهار
أيوه بحبك بس باغير
نفسى اتهنى ...
معاك بمصير

....

لسه فاكر

لسه فاكر.. اللى فات

لسه بتحن فى سكات

لسه مشتاقة الإيدين

تحضن الأيام سنين

أيوه حاسة بيك وسامعة

نبض قلبك بينادينى

احضنى عمري وسنينى

لسه بسأل أيوه عنك

لسه فاكرة كل طبعك

لسه عايشة جوه منك

لسه طيفك جوه منى

جوه شرياني ودمي
لسه صوتك زى نبضة
تملا أركان المكان
لسه لمسة الايديين
مالكة قلبي من سنين
لسه روعي جوه منك
دوّبت كل الحنين
نفسي أقسى عليك ولكن
جوه مني لسه ساكن
حب عشته من سنين

....

أيام بتمر

أيام بتمر من عمري

أبات مغلوب

وأقول مكتوب

وأفضفض عادي

من همي

ومين يشيل كمان عني

ده انا المجروح بالامي

وانا العايش ف أحلامي

لا طایل حلمي

أعيش انا بيه

ولا الأحزان مفارقاني

وبين قضبان انا مسجون

مع شمعة بتحرق

كل وجدانى

.....

كثر خيرك

كثر خيرك

على اللى عملته معايا زمان

راجع تانى تقول ندمان

بعد ماعشت سنين ويايا

كتير فى أمان

لا غلطان

حبى وهان

قلبى وبعته

وراجع تانى ..

تقول ندمان

إندم واندم ..تانى كمان

لما تكون وياك الجنة

وماتشوفهاش

يبقى خلاص ..

يستاهل قلبك

مايعيشهاش

عشت معاك

أجمل إحساس

ضاع فى ثوانى

وكان ببلاش

كثر خيرك

إنسى خلاص

....

بواقی حطام

بعد ماعدا الوقت وفات

جای دلوقت تعید ذکراک

جای هاترجع جرح قدیم

.... بعد مالم

ایه هیفید

جای بتلم ... عیلة و بیت

بعد ماخونت

ایه هیزید

انا مش ممکن اقدر اسامح

قلب وجعنی

انا مش ممکن هارجع تانی

للى خد عنى

ارحم قلبى كفاية حرام

سيبه يكمل فى الأيام

قبل ما يبقى

بواقى حطام

....

بارج ليك

كل ما احاول أبعد عنك

أرجع تانى وافكر فيك

شاغل بالي وعقلي عليك

قلبي وعيني ... بيسهروا ليك

حتى لسانى .. كمان بيعانى

جمال معانيك

واما تقوللى : ياروحى ياقلبي

إنتى حياتى .. فداكى عيونى

بضعف تانى ..

وانسى زمانى فى حضن إيديك

وابدا تانى احاول أبعد

يمكن أنسى كل مشاعري

وانسى كلامك

لكن كان يعاندني حنانى

وارجع برضو أجري عليك

واسرح تانى ... ايوه و اعانى

شوقي انا ليك

وارجع افكر إيه خلانى

كل ما احاول أبعد عنك

يرجع قلبى....

يفكر فيك !!!

....

قلب مجروح

مجروح ياقلب حزين

فارد جناحاته

شائيل بقايا الألم

من وسط دقاته

عايش ليالى الندم

مع كل اوقاته

سامع كمان مواويل

من نبض كله عليل

قسوة ومرار وأنين

وعذاب ماله نهاية

كثر المرار خلاه

يرسم كده حكاية
متلونة فى حياة
تضحك بلا نهاية
على شئى ملكته بإيد
مكسورة أحلامه
تنده بأعلى الصوت
ولا حد يسمعك
عايش ولا المكبوت
ولا حد يشفعك
....

هاتشكى لمين ؟

هاتشكى لمين

ومين غيرى هيسمع لك

ومين فى الجرح

يفتح لك ببيان قلبه

ومين سامعك .. ومين حاسك

ومين راضى .. تكون له سراب

ومين عايش أمل كداب

بيحلم إنه يتحقق

ومين يمسح دموع قلبك

ومين غيرى يكون جنبك

ومين قالك كده عادى

ولو تقدر على بعادي
أنا راضي مادام مرتاح
ومهما هاتبعد المسافات
هاعيش برضو على ذكرى
بأنك يوم هترجع لي
واعيش حب افكرته راح

....

بين الجنانين

بين الجنانين.. بستان ورود

فيه الأمل فاق الحدود

طرح المحبة .. عدى المدى

شافت عيون

الورد روحه بتبتسم

وياها بكرة بيت رسم

رسمت معاه أجمل حياة

وف الطريق طوق النجاة

قالت يافرحة تحبيني

وف حضن قلبك ضمينى

وبين جنانين المحبة

جددى فى الأمل
اوصفىلى ليل فى فكره
اندهيلى أعيش بذكرى
فرحينى ياأحلى وردة
وسط بستان الزهور
ياللى شمسك جوه دارك
تملا أحلامك عطور
ياللى ليلك ويّا قمرك
ف السما تسبح معاه..
أفكار لطيفى فى ليل نجاة
زهرة حلوة ف الحياة
طبّطبى بقلبك عليا
حنّى الأيام شوية
إوصفىلى الحب إيه

الـب ءالة واستءالة
ينتهى من قلبى ليه
انا عايش مابين قلبين
وجوه الءم انا ءايف
افوق والقى الءاة مسافات
يضيع عمرى سنين واهات
لكن ءادر....
أعيش حلمى واكمل فيه
ومش هياس
ده رب الكون
وعالم بي
....

صباح هادي

صباح هادي على بلادى

اللى مالكة الكون

صباح رقة وحنان دافي

بأمل وسرور

وفجر جديد ..

يشق النور بحلم بعيد

صباحك بسمه يابلادى

صباح نادى

على خدودك ياست الحسن

صباحك ضحكة بتلعلع

تنادى جنودك العاشقين

ولجل ترابك الغالي
يموت ملايين
أنا عاشقك .. أنا فداكى
يا أرض أبويا واجدادي
أنا المصرى تملّى أصيل
بيجري ف دمي نهر النيل
أنا الميت في أراضيكى
انا اللي بعمرى أفديكى
وأنا الغرقان بتفاصيلك
وباسهر ليلى اغنيلك
على سحر وجمال نيلك
....

شكرًا

شكرا على دمعى

اللى بسببك

مانشفش فى يوم

شكرا

على قلبى اللى اتعذب

ولا داقش النوم

شكرا

على القسوة اللى فى طبعك

مش فارقة اللوم

قدمت كتير... ضعف عشائك

ولا أثر فيك

وبادوق الذل .. انا من طبعك

وعشان معاليك

شكرا بكفاية مرار وعذاب

شكرا على قلب بغدرك داب

شكرا على القلب اللى هويته

وفى الآخر باع

شكرا ع الجرح اللى فى قلبى

بخداك ضاع

شكرا بمرارة بقولها انا ليك

شكرا يا خسارة

حبنى انا فيك

....

نفسي

نفسي أحكى ع اللي بيا
نفسي أحلم بين إيديك
نفسي أنسى روعي جنبك
واتولد لحظة ماقابلك
نفسي أنسى معاك آهاتي
نفسي أحس إن انت راضي
نفسي أشجار المحبة
تطرح الشوق والغرام
نفسي أوهبك حياتي
نفسي أسهر لك ليلاي
طيبي ليك على طول ينادي

ياللي صوتك نبض قلبي
ليه تمليّ عنيك تخبي
ابتسم خليني أحلم
لجل مانسى عمرى جنبك
واتولد لحظة ماقابلك

....

برة الدنيا

برة الدنيا

انا مش موجود

عايش فيها ومش مبسوط

يشوفونى الناس

دايما باضحك

يחסدوا فيا بعلو الصوت

اسمع منهم كل ملام

ليه يلومونى.. ده انا غلبان

باصحى يوماتى وكلي حنان

شايف بكرة بكل أمان

اضحك وانسى هموم الدنيا

واسأل نفسي : ليه شقيان

ليه يلوموني
الناس ع الفاضي
وشي بيضحك ..
كل ده عادي
لكن قلبي تعالى وشوفه
تلقى هموم الكون ماليه
لكن بضحك
هفضل اضحك
برة الدنيا
وجوه كمان

■ ■ ■ ■

كله ف وادي

كله ف وادي

كله ف حاله

تملّي يهاتي

اللي يطبطب على أحواله

واللي ببسأل نفسه ف حاله

واللي يقول

الغربة دي مالها

مر عذاب

كده من أحوالها

واللي ياعيني الهمّ ده شايله

واللي الدمع...

ف عينه ده عادي

واللي الحزن معشش قلبه
واللي الجرح بيسكن جنبه
واللي تملي بيحلم يكبر
كنا بنحلم نرسم فكرة
كان الحلم جميل بالفطرة
كان الخير في قلوبنا تملي
يملا خزاين فرح وشوق
بس اتغير كل ده ليه
وليه دلوقت بنندم ليه
ليه اتحول حلمنا عتمه..
ونار وعذاب
نرسم ألف أمل كذاب
نرسم شوق ويا الأغراب
يطلع حلمنا

كده على الفاضى
أرض بتطرح ...
ظلم ده عادى
وليه الحلم ... نكمل فيه
بعد ماعشنا سنين نداديه
ويطلع كله كابوس على الفاضى
كنا بنحلم حلم طويل
كان حلمنا مرسوم على شجرة
تطرح فجر بأحلام بكرة
كان الأمل اللى بيحينا
دعوة جميلة من اهالينا
كنا تملي ف أحلام بكرة
نرسم ألف ومليون فكرة
ليه دلوقت الحلم اتبدل

متخافيش

متخافيش

لو قالوا عنك أى شي

مايهمكيش

أو فى الجمال على قدها

ماتحزنيش

الجمال فى الروح يلالى

قطر الجواز فات بعدها

ماتزعليش

القطر جاى فى الميعاد

ماتقلقيش

قولى لسه الرب عالم

شايلى ورد وشوك مفيش

لو البنات اتجوزا .. مايهمكيش

لوقالوا بايرة يا حرام

القطر عدّى وفات قوام

ما تعلقيش

الموج مخبي المنتهى ولازم نعيش

عارفة الطرحة بتحلمى بيها

نفسك رايحة للون فستانك

أبيض ف ابيض خفة دم

ربك شايل فرحة قريبة

دايما تحلى بليلة العمر

ادعي وصلي ارزقني ياربى

بأب واخ وسند وضر

ارمي حمولى واغمض عينى

ف حضنه تملى ... وانسى الهم

هو ده

هو ده .. اللى حلمت بيه

دق قلبى بنظره ليه

خد حياتى منى ليه

هو ده اللى خطفنى منى

صحى إحساسى ... وشغلنى

ياللى حبك .. صحى فىا

كل حاجة حلوة بيا

خدنى منى ... أنا كلى لىك

ياللى إحساسك وصلنى

شمسى .. ضلى

ف ليل فاضلى

فكرى يسهر لك تملّى

وروحى فىك

إعترف

إعترف

إن حبي خلا قلبك

دقة منه تكون زيادة

وان حبي ف دق قلبك

خلا أحلامك سعادة

وان لما يهل طيفي

تنسى نفسك إنت مين

وان عمر ماكان فى بالك

فجأة يتلون خيالك

وان نظرة عيني جني

وان قلبك داب وغنى

وف حياته ماشاف سعادة

وان حبي خلا قلبك
حب كل الناس بحالها
وانى كل حاجة ليك
وان كل يوم يعدي
ويا حبي هو عيد
وانى عايشة ف الوريد
وان بس كل همى
إني اشوفك يوم سعيد

....

ماليش غيرك

ماليش غيرك

فى عز الجرح بالجا له

فى وسط العتمة .. هو النور

ماليش غيرك

يللم كل أحزاني

يطيب كل آلامى

ينسى العمر أوجاعه

ويمسح دمعى من خدى

يطببط لما احتاجله

ويلمح م التعب عيني

ويمحى مر أيامى

وكل عذابى وآلامى

مليون سد

بينى وبينك مليونون سد

مهما تحاول يوم يتهد

مهما يعدى علينا الوقت

صعب وجداء

إنى أسامحك

وأفضل راضى بظلمك عادى

مهما تعاتب ولا تراضى

قلبى خلاص

تاهاى حكاويه

كلمة ومعنى ومين يناعيه

بعد ما عشت

حياتى انا بعدك

صعب جدااا
إنى ارجعك... انى اسامح..
انى اشتقتك...
مهما تهاتى ... ومهما تهد
عمره ما يوم ينهار السد
.....

سامح نفسك

سامح نفسك

حب وعيش

إياك تندم على تهاويش

حب الدنيا وانسى مرارها

صالح بكرة ويّا امبارح

صالح نفسك يلا وسامح

ربك عالم باللى فى قلبك

إرمى همومك

ويّا حمولك

ظن تملّى بربك خير

عيش واتفائل حب الغير

....

الدنيا بخير

لسه الدنيا والله بخير

فيها الحب وفيها الخير

فيها الناس

بقلوبها غلبة

فيها قلوب

مليانة طيابة

لسه بندى أمل للغير

لسه بنطرح

حب وخير

لسه قلوب ..تطرح حنية

صدق وإحساس على ملاغية

لسه الناس بتحس ببعض

لسه الضحكة.. جوه القلب

بتجمع بينا

لسه بنرسم أحلام بكرة

بكل أمالنا

لسه الفرحة جوه قلوبنا

وعايشة عشاننا

لسه الحزن يقرب بينا

لسه الطيبة لناس

عناوين

ترسم بسمة

لكل حزين

.....

أيام وبنعيشها

أيام وبنعيشها

إحلم وطنشها

نكبر وإيه يعنى

أحلامنا فرفشها

لازم هنتعلم

وقلوبنا تتألم

والحيرة ويانا

مسيرنا هاتسلم

عدينا فيها بحور

رسمنا ليها قصور

فوق ورقة نتعلم

مكسورة ليه العين
ودموع على الخدين
دايما بتتكلم
ده مين يقدر يعيش
من غير مايتألم
مكتوب علينا نعيش
بجراحنا ونكمل
كبرنا بعد سنين
شايلين معاها مرار
القلب كله حزين
والبسمة جمرة نار
وادينا اهو عايشين
لكن بدون أعذار

.....

حبيبتي تاهت

حبيبتي تاهت
لما دق قلبي ليها
لما شوقي راح إليها
لما دمعة عيني سالت
واما حضني ليها حن
يومها شوفت الفرحة لكن
الشجن هز الأماكن
الحنين كان مالي عيني
والفرح جوايا ساكن
فجأة ضاعت بسمتي
لما قالوا حبيبتي تاهت

فين دفاكى يامصر لينا

ضمتك تحضن إيدينا

لهفتك دايماً علينا

فين خضارك والحنين

ليه شبابك شقيانين

ليه تملّى تعبانين

اصرخى ...

ردى السجين

زلزلى قلبى الحزين

فكى أسر المجروحين

ضفرى الأحزان ولمى

صحصى حضنك وضمى

ليه تموتى وتبعدى

ارجعى ..

ليه تعندى

أيوه شايك من بعيد

فرحة ساكنة ف قلب عيد

لملمى ولادك يا أمى

ماتموتيش فى عيون تملى

شايكه ليكي من بعيد

فرحة ساكنة فى الوريد

.....

صعب جدا

صعب جدا.. إني اصدق

ان قلبك يقسى يوم

طول ما عمرى لسه باقى

إني اشيل عنك هموم

صعب جدا تمحي ذكرى

لسه شايفة بكرة فكرة

لسه نبض حياتها انت

لسه بعشق من غرورك

كل نظرة من عيونك

لسه شاهد بالعيان

نظرتك تملأ الكيان

....

ندمانه

ندمانه

فى يوم انى اديتك

انا كل مشاعري

وحبيتك

ظنيتك فارس أحلامى

ملكك أجمل أيامى

وبطية قلبى ...

انا حبيتك

ضيعت معاك ...

أحلى سنينى

تؤمرنى واطاوع طلباتك

وبانفذ لك
أنا رغباتك
كنت الكلمة
ف طرف لساني
وحروف اسمك
كت عنواني
بس خلاص
انا قلبي اتعلم
انه يعيش
على طول
وحداني
.....

لازم أعيش

لازم أعيش واتحمل
واقول معلش وهاكمل
وغصبن عني بتألم
واعيش فى مرارة واتعلم
واقول بكرة يشق النور
واعيش الحلم من تانى
والملم فى الجراح دواوين
واقول بكره هعيش لي يومين
وهاستنى يفك حصار
ويطلع تانى أى نهار
وهايعدى ضباب الليل
وتبدأ من حياتي حياة

ما بين أمني .. وأحلامي
ها عيش بكرة عشان ذكرى
وحلم جميل
بنيت أحلامي علشانهم
واقول بكرة يا حلم تعود
ها عيش و اتمنى تحييني
وتمسح لى دموع عيني
وها غزلك ستاير فرح
وتندهنى تفرحنى
تطيب كل آلامي
وتبدأ فرحتى تاني
وها نسى حياة نهارها الآه
وتملا القلب أحلامي

إيه يستاهل

وايه فى الدنيا يستاهل

دى نبكى عليه

وايه يعنى..

أكون مظلوم

واكون محروم من الضحكة

تعدى عليا أيامى

كده وحلة

أحاول افوق

وانسى واروق

ألاقى الفرحة عاندتنى

واداوي جراحي

بدموعي

ولا اقدر حتى اتكلم

ودايما عايش أتالم

ومات الفرح جوايا

وكان لابد أتعلم

.....

أحْضِنِي يَا امَّة

أحْضِنِي يَا امَّة

عوضيني

إحساس الوفا

قلبي تعب

م البعاد و الجفا

إزاي أعيش

من غير دفا

أحْضِنِي .. وطمَني

وان يوم بعدت ... رجعيني

مش بخاطري ..

الشوق نده

قلت جايـز يوم ف بعدى
يلقى يوم قلبى الهنا
وارتاح انا
اتارى يا امه
كل مرة أبعد فيها
مش بلاقى يوم هنا
مافيش يأمى أى حد
ياخد مكانك وده بجد
وانتى لسه بتدعى ليا
أيوه دعوة أم غالية
عمرها ماكرهت فى ثانية
ربت وشالت.. كبرت
وبعت عنها عشان عيون
واحدة ثانية

جيت عليكى
وقصاد عينيكي
باعترف ويا الدموع
كده من سكات
أيوه فى حضنك
كنت انام انا بالساعات
بعدت عنك غصب عنى
سامحينى يالاه
على اللى فات
....

إجري يا عمر

إجري يا عمر ومر قوام

يوم بيعدي كبرنا كمان

إجري يا عمر وهات أحزان

وابكي علينا كمان وكمان

مهما نسابق في الأيام

مر في مر نعيشه بذل

إجري يا عمر

وهات م الظلم

مالحنا كبيرنا

نشيل الهم

بص وشوف

فى وجوه الناس

عمر ببسبق

عمر خلاص

إجرى ياعمر

واسبق بكرة

جرب..

جايز نلقى الفكرة

قبل حياتنا ما تكون ذكر

....

أنا

أنا اللي دموعي سبقاني

وليه الدنيا سرقاني

ومن نفسي تملّى باتوه

أنا اللي الوحدة صاحبتني

وليه الدنيا عاندتني

تمرجح فيا أحلامي

ساعات الفرح بتعدّي

ولا تهدي

ساعات الحزن بيعشش

بيسكن جوا شراييني

ويقتل كل أحلامي ويولد خوف

يدمر كل افكاري

دم مين ؟

مش هيفرق دم مين

دم عيسى .. ولا موسى

ولا حتى عم امين

هو الدم له ديانة

يابلطجية يامجرمين

دم ابنى .. دم ابنك

كله دم المصريين

ليه يامجرم هان عليك

دم اخوك ..

اللى فى ايديك؟

انت فاكّر لما تقتل
تضحك الدنيا ف عنيك؟
لما دمه يسير ف ارضه
يطرح الورد ف إيديك؟
إنت ناسى إن بكرة
يجى يوم و يلف بيك
يبقى دمك زى دمه
اللى ف ايديك
ليه بتقتل أى واحد
كل ذنبه انه بريئ
كان بيحلم ان بكرة
يكون سعادته لىك وليه
ليه تسبب ..
فى حياتنا ذكرى

نبكى فيها يوم عليك
بس قولى لجل مين
تمشى تقتل في المساكين؟
إوعى تحسب راح نسيبك
أصل ولادنا دول غاليين

....

أنا التايه

انا التايه

ما بين سطرين

وبين نوحى

انا الورقة

المرسومة و بجروحي

أنا الحالة

الى تشجيني

تضيّع عمري وسنيني

لا انا العايش...

ولا الميت

وباحلم حلم متقيد

انا الطاقة
اللى جوه النور
بتتمنى تعدي بحور
وانا النجمة
ف وسط الليل
تنور للى قلبه
عليل
أنا العتمة
اللى ظلمانى
بضعف وحيرة
عشقانى
انا التايه
بحلم وويل

.....

ماعادش باقى

ماعادش باقى

غير دموع مالية العيون

ماتت مشاعر

مستحيل كانت تهون

مهما تمحي في اللي فات

مهما هاتعيد في حكايات

ذكرياتى معاك نسيتهـا

غصب عني صحيح محيتها

مستحيل ...

انا يوم اصدق

يالي كنت حنة مني
يوم تبيعني او تخوني
يوم تفرقنا الليالي
وانسى عمري معاك ياغالي
كنت أقرب حاجة ليا
شي بيمحي فى الأسية
خدت كل حب عندي
والتفتت نفسي الضحية

....

طعم الحياة

طعم الحياة ... بقى مر

أيام .. مش عايزة تمر

وسنين بادوق الذل

عايش ضعيف مكسور

صبري نفذ منى

والدمعة حضناتى

والضحكة سيبانى

شربت كاس المر

حالى تملئ يغم

قلبى اتقسم منى

وعذابى جوايا

بتشبهني

بتشبهه

كل ملامحي ف صمت
بترسم بيت في أحضاني
و تعزف لحن ف وداني
وباتكحل جمال صورتك
وبين شرياني تفاصيلك
وباسهر ليلي اغنيك
بتشبهه ليل عليل وحزين
بدمعة حزن مرسومة
على الخدين
دعيت الشوق تكون ليا

وتصبح نن في عينيه
وتشبه كل تفاصيلي
ونجمة منورة ليلى
في لحظة حب مشتاقه
لضي عينيك

....

صرخة ألم

ماتنزلش

يادموع مطر

قلبي الضعيف

عايش كفيف

من غير وطن

شاييل جروح

من قلب كان

عايز سكن

لملم جراح

المجروحين

جفف دموع

المشتاقين

لحلم بات

وياه حزين

يغزل جراح

ويا الأنين

ويبات معين

لجل البشر

يسطر سطور

المذبحة

يعلى الصراخ

صرخة ألم

صرخة ندم

صرخة حنين

لقلب شقق

م الجراح

نفسه ف سماح

يعزف بنبض المفترق

لملم جراح المظلمة

قلبي الحزين

مكسور تملي

بملحمة

....

مستحيل

مستحيل

انى اعشق

غيرك انت

أو لغيرك

يوم ها ميل

بلقى حبك

حضنه دافى

وقلبه صافى

لهفتك بتحس بيا

ياللى من طيفك هنايا

ياللى من صوتك دفايا

ياللي حزنك يتحكي

ب مليون حكاية

انت بس حلم عمرى

اللي فيه بيكون هنايا

.....

حياتي حروف

حياتي حروف
بعيشها بخوف
ومستتي
الاقى أمان
ونبع حنان
وحب فى حضنه
متهنى
وبحسب وقت
لفراقى
مادمت ضعيف
عايشها كفيف
ما بين ليلي
واشواقى

وبحلم يوم
ويجي صباح
يخليني اعيش
مرتاح

.....

ولائِكَ

ولائِكَ

كنت الدنيا بحالها

وكنت عيوني

اللي بشوف بيها

طريق الورد

ولائِكَ كنت لي

شمسي وقمري

وضلي

واجمل حزن

في عز البرد

ولائِكَ قسوه

وظلم وقهر

وتعب القلب

ولأنك خدت
حياتي لجنه
وسببتي ضايعة
في وسط النار
ولأنك كنت لي
رسمه جميلة
في وسط خيالي
ليل ونهار
ولأنك لحظة طيش
بتعدي ف وسط
حصار
عمري ما هاركع
يوم لعذابك
ولا هستسلم
ولا هنهار

بسمه حزن

بسمه حزن
مرسومة
في كل عيون
بتتألم
ولحظة ظلم
محفورة
ما بين ذكرى
بتتندم
بنرسم ضحكة
كدابة
في دنيا كلها
غاية

بنعزف نبض
بجروحنا
يمكن ترجع لنا
روحنا
ونحسب وقت
لفراقنا
ونحزم كل
اشواقنا
ونتكتف
لا بوح هيفيد
ولا دمة
نعذب بس
أرواحنا
تضيع ضحكتنا
بجراحنا

ونوهم نفسنا

احنا

بوهم سراب

ومش موجود

ونتمنى حياتنا

تعود

.....

اتمنيّتك

اتمنيّتك

دوا لعيوني

ورد بيعشق

رمش جفوني

بسمّة رقيقة

تحلى في كوني

بتخليّني

اعيد تكويني

واعشق كل

حواسي بهمسة

وارسم ضحكة

وارسم بسمّة

وانسي سنيني

واحلم اني
ملكت الكون
وانسي هموم
كانت ملياني
واسرح افكر
فيك بكياني
واعشق اسمي
لما تقوله
بأحلى شفايف

.....

الشاعر في سطور

الاسم : هبة حسن حسين

المؤهل : دبلوم حاسب ألي

عضو رابطة الزجالين وكتاب الأغاني

عضو نادي أدب القلب بالقلبيوية

عضو مؤسس فريق نجوم على طريق الابداع

لتبني المواهب الصغيرة

لي صفحة علي مواقع التواصل الاجتماعي فيس بوك

بأسم هبة حسن

لي مدونه اليكترونيه بأسم همس الحروف

شهادات التقدير

أكثر من شهادة تقدير من مجلة همس مصر للشعر والأدب

شهادة تقدير من حزب مصر القومي

شهادة تقدير من منتدى الأحياء الأدبي

شهادة تقدير من حزب الحرية بالاسكندرية

شهادة تقدير وميدالية من مجلة أنامل الشعراء وحصولي

على المركز الثالث في مسابقة المجلة السنوية

الاشتراك في ديوان مجمع لمجلة همس مصر للشعر والأدب

الفهرس

م	القصيدة	الصفحة	م	القصيدة	الصفحة
1	الإهداء	3	18	شكراً	36
2	إهداء خاص	4	19	نفسى	38
3	هاتصدقني	5	20	برة الدنيا	40
4	أبوة بسكت	7	21	كله ف وادي	42
5	تاها خطاويننا	9	22	متخافيش	45
6	حاسدني	11	23	هو ده	47
7	بنت واحدة	13	24	اعترف	48
8	أتحداك	15	25	ماليش غيرك	50
9	لسة فاكرا	17	26	مليون سد	51
10	أيام بتمر	19	27	سامح نفسك	53
11	كثر خيرك	21	28	الدنيا بخير	54
12	بواقى حطام	23	29	أيام وبنعيشها	56
13	بارجع ليك	25	30	حبيبتي تاها	58
14	قلب مجروح	27	31	صعب جدا	61
15	هتشكي لمين ؟	29	32	ندمانه	62
16	بين الجنابين	31	33	لازم أعيش	64
17	صباح هادي	34	34	إيه يستاهل	66

الصفحة	القصيدة	م	الصفحة	القصيدة	م
87	مستحيل	44	68	أحضنني يا مة	35
89	حياتي حروف	45	71	إجري ياعمر	36
91	ولإنك	46	73	أنا	37
93	بسمة حزن	47	74	دم مين ؟	38
96	إتمنيئك	48	77	أنا التايه	39
98	الشاعر في سطور	49	79	ماعادش باقي	40
99	شهادات التقدير	50	81	طعم الحياة	41
101	الفهرس	51	82	بتشبهني	42
			84	صرخة الم	43